



Public Institution Therapeutic Community - Kampus of Canton Sarajevo

Broj:31-01-30-1- ⁴⁴ /26
Sarajevo, 15.01.2026. godine

Na osnovu člana 13a. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14, 59/22 i 50/24), člana 43. Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“, broj 27/19, 29/19, 48/19 i 13/20), člana 39. i 48. Pravila Javne ustanove Terapijska zajednica – Kampus Kantona Sarajevo, Pravilnika o javnim nabavkama Javne ustanove Terapijska zajednica – Kampus Kantona Sarajevo, broj: 31-01-02-497/24 i Pravilnika o izmjeni Pravilnika o javnim nabavkama JU Terapijska zajednica – Kampus KS, broj: 31-04-2-84/1/25, od dana 27.01.2025. godine, direktor donosi

RJEŠENJE

o imenovanju odgovornog lica za poslove provođenja, praćenja javnih nabavki i praćenja izvršenja svih ugovora o javnim nabavkama

I

Tarik Hadžimejlić, zaposlen na neodređeno vrijeme na radnom mjestu „šef Službe za okupacioni tretman“ u Javnoj ustanovi Terapijska zajednica – Kampus Kantona Sarajevo, imenuje se kao odgovorno lice zaduženo za poslove provođenja, praćenja javnih nabavki i praćenja izvršenja svih ugovora o javnim nabavkama u Javnoj ustanovi Terapijska zajednica – Kampus Kantona Sarajevo.

II

Prava i obaveze imenovanog lica su detaljno uređena Uredbom o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“, broj 27/19, 29/19, 48/19 i 13/20).

Imenovani je dužan da se u postupku nabavke roba, vršenju usluga i ustupanju radova pridržava odredba Zakona o javnim nabavkama („Službeni glasnik Bosne i Hercegovine“, broj: 39/14, 59/22 i 50/24), Pravilnika o javnim nabavkama Javne ustanove Terapijska zajednica – Kampus Kantona Sarajevo, broj: 31-01-02-497/24 i Pravilnika o izmjeni Pravilnika o javnim nabavkama JU Terapijska zajednica – Kampus KS, broj: 31-04-2-84/1/25, od dana 27.01.2025. godine.

III

Donošenjem ovog rješenja, stavlja se van snage Rješenje broj:31-01-30-1-88/25 od 28.01.2025. godine.

IV

Ovo Rješenje stupa na snagu danom donošenja.

OBRAZLOŽENJE

Vlada Kantona Sarajevo je dana 27.06.2019. godine donijela Uredbu o kontroli javnih nabavki u svim institucijama čiji je osnivač Kanton Sarajevo (u daljnjem tekstu: Uredba) koja je objavljena u „Službenim novinama Kantona Sarajevo“, broj 27/19 i stupila na snagu dana



Public Institution Therapeutic Community - Kampus of Canton Sarajevo

01.01.2021. godine. Uredbom su uređena pravila i procedure u postupcima javnih nabavki koje provode inistitucije čiji je osnivač Kanton Sarajevo i utvrđene obaveze imenovanja odgovornih i zaduženih lica u postupcima javnih nabavki.

Lice zaduženo za za poslove provođenja, praćenja javnih nabavki i praćenja izvršenja svih ugovora o javnim nabavkama u Javnoj ustanovi Terapijska zajednica – Kampus Kantona Sarajevo ima sljedeća prava i obaveze:

- Sudjelovanje u planiranju javnih nabavki i istraživanju tržišta,
- Sudjelovanje u izradi i pripremi tenderskih dokumentacija,
- Sudjelovanje u realizaciji postupaka javnih nabavki,
- Praćenje izvršenja svih ugovora o javnim nabavkama,
- Praćenje izvršavanja svih obaveza izabranih ponuđača u slučajevima kad sa izabranim ponuđačem nije potpisan ugovor o javnoj nabavci,
- Vođenje evidencije o pojedinačnim ugovorima o javnim nabavkama,
- Vođenje evidencije o stepenu izvršavanja ugovora o javnim nabavkama,
- Dostava zapisnika o reklamaciji izabranom ponuđaču,
- Praćenje uslova i trajanje garantnog roka,
- Praćenje potrebe izmjene i/ili dopune ugovora o javnim nabavkama,
- Utvrđivanje postojanja razloga za realizaciju ugovorenih sredstava finansijskog obezbjeđenja,
- Izrada izvještaja o praćenju izvršenja ugovora o javnim nabavkama,
- Sudjelovanje u kontinuiranim obukama i edukacijama iz oblasti javnih nabavki.

Na osnovu izloženog odlučeno je kao u dispozitivu Rješenja.

Pouka o pravnom lijeku: Ukoliko radnik smatra da je ovim Rješenjem povrijeđeno njegovo pravo, dužan je u roku 15 dana od dana dostavljanja Rješenja uložiti prigovor. Prigovor se dostavlja Upravnom odboru Javne ustanove Terapijska zajednica – Kampus Kantona Sarajevo.



DIREKTOR

Mr. Adis Hadžić

Dostaviti:

-Imenovani,

-Služba za pravne, finansijske i
administrativne poslove,

-evidencija